


四川名勝志



四川總叙

禹貢華陽黑水惟梁州華陽者以在華山之南也
山南曰陽華山屬雍州境古者封域合梁于雍是
矣黑水出故漳臘潘州界今屬夷地是爲岷江之
始水自汶山下過猶河水之遶崑崙也又一派入
滇而出金沙江流入馬湖江會與汶水合今之叙
瀘界瀘卽黑也諸葛亮表云五月渡瀘出師以征
西南所必經也說文川者穿也水穿地中故曰川
岷江一水也瀘一水也雒一水也渝一水也雒中
水也先王入蜀至江陽逆雒至涪城而取劉璋今

四川總叙

卷之一

一

部西

之綿州是也雒水繇金堂出內江與外水合外水
卽汶水也渝巴水也源出巴山流遶巴州曲折如
巴字亦名字水出遂合以至渝州其委耳巴縣諺
焉古巴子都也蜀江之水非一而岷瀘雒巴爲四
大川也四川之名所由昉與然蜀自蠶叢魚鳧而
下不通中國者千有餘載至苴蜀相攻求救于秦
秦救苴滅蜀遂滅巴因而郡縣之故巴渝人實佐
漢高而定三秦也高帝卽位乃有廣漢之號武帝
元鼎二年始置益州部刺史察舉巴蜀廣漢犍爲
牂柯越嶲等部而不常所治東漢益州刺史始崙

治雒縣卽今之漢州也唐貞觀初置劍南道爲西川至貞元歲增置東川府於梓州於是稱兩川焉故北宋亦分西川爲東西兩路也南渡後始分益梓利夔四路安撫司俱以守臣兼領卽今之四川矣但益在川西夔在川東利梓俱在川北而川南似獨闕焉蓋古者以犍爲屬廣漢故也乃又置提點刑獄司於嘉定重慶潼川三府嘉定則川南也重慶則上川東與川南相接壤者也潼川卽梓州又川西北之門戶也豈不犁然具哉

國朝置四川等處承宣布政使司又置提刑按察

四川總叙

卷之一

二

西

司固相沿元行省中書併廉訪道司俱治成都之制而川西道管成都龍安二府兵道一駐松潘一駐茂州爲威茂道一駐綿州爲安綿道焉川北道管保寧順慶二府前代之開府於潼川者今惟一州守任之蓋其地介於保順二府之間雖衝而實內也川東川南以地方寥邈各畫爲上下二道上川東駐劄重慶則管重慶一府下川東駐劄達州管夔州一府而守道駐劄涪州管重夔二府下川南管叙馬瀘守道駐叙州府巡道駐瀘州上川南管嘉眉邛雅四州守道駐嘉定巡道駐邛州而建

昌一鎮端設一兵道駐劄建昌衛行都司實左右
之控制鹽井會川寧番越雋并建昌等六衛焉凡
川稱爲兩者東西兩川是也稱爲四者益梓利夔
四路是也又有稱三川者三川戰國韓地河洛伊
也在今中州之河南府漢貨俎傳所云三川鼎峙
者也蜀可以稱三巴不可以稱三川明矣余故爲
之辯析云

四川名勝志卷之一

閩中曹學佺能始著

川西道

成都府

管六州二十五縣

帝王世紀云周太王從梁山止于岐下一年成邑
二年成都蜀本梁州之域毛詩奕奕梁山維禹甸
之尋江源記云梁山首跨劒閣而尾入江是矣故
秦置縣曰成都焉漢武帝時始置益州風俗通云
益者阨也以其地險阨而益廣也唐玄宗西幸始
改成都府陞號南京以地當長安之南矣其時長
四川名勝志 卷之一

郭西

成都縣

附郭

史實稱尹而知府則起于王蜀武成云○昔者州
郡之稱猶今之道府也州曰庸部郡曰導江則在
王莽時州曰司隸郡曰成都則在公孫述時益州
置牧蜀郡置守則在先主時刺史治太城太守治
少城則在東晉時矣

釋同郡史記秦惠王二十七年張儀滅蜀始置成
都縣華陽國志曰縣有十二鄉五部尉後乃割置
蜀縣

華陽縣

附郭

唐初爲蜀縣析成都置者乾元中始易今名禹貢
華陽黑水惟梁州梁疆梁也西方金氣疆梁之義
周有天下併梁于雍二州並以華山爲主蜀之有
華陽猶雍之有華陰也○按蜀之先蠶叢魚鳧以
至望帝或治導江或治夔上或治郫邑更徙靡常
後傳位于其相開明又九世始爲開明尚開明尚
自夢郭移乃徙治成都楊雄蜀本紀云蜀王據有
巴蜀之地本治廣都樊鄉徙居成都者也巴與蜀
讐求救于秦秦惠王二十七年遣張儀司馬錯等
滅蜀遂置蜀郡儀築成都以象咸陽修整里閭市

張列肆規制廣備故左思蜀都賦云金城石郭兼
匝中區旣麗且崇寔號成都矣其域東接巴楚西
奄峨嵋地稱天府原曰華陽漢武帝元朔二年以
新啓犍爲牂柯越雋三郡疆壤益廣始稱益州王
莽篡盜改天下郡守爲卒正又改蜀郡爲導江遷
公孫述爲導江卒正治臨邛後據成都稱帝具置
百官造十層赤樓東觀漢記曰公孫述造十層赤
樓也于是改益州爲司隸蜀郡爲成都尹矣建武
光復二百餘載迄于孝靈王室多故劉焉求益州
牧以避世難始治綿竹後徙成都先主代劉璋而

有之卽位于武擔之南典畧曰玄德于是起館舍
築亭障從成都至白水關四百有餘區後主建興
二年以丞相亮開府領益州牧亮卒拜尚書令蔣
琬爲大將軍領益州刺史蜀亡晉太康初乃屬王
國號曰成都內史永嘉之難沒于夷僚成都記云
府治北三里許有李特所築赤塗城十六國春秋
曰李雄定成都以嚴檉爲蜀郡太守及卽位遷檉
益州刺史是矣桓溫西伐李勢出降劉義慶世說
云宣武平蜀集叅僚置酒于李勢殿巴蜀縉紳莫
不來萃桓旣素有雄情爽氣加爾日音調英發敘

四川名勝志

卷之一

三

郫西

古今成敗由人存亡繫才其狀磊落一坐歎賞焉
永和之際周撫爲蜀郡太守四十餘年境土粗安
王逸少與周益州書云省足下別疏具彼土山川
諸奇楊雄蜀都左太冲三都殊爲不備悉彼故爲
多奇益令其遊日意足也可得果當告卿求迎少
人足耳至時示意遲此期真以日爲歲但言此心
已馳于彼矣梁武陵王始封入蜀元帝與之書云
蜀中斗絕易動難安弟可鎮之吾自當滅賊又別
紙云地擬孫劉各安境界情深魯衛書信常通良
所託重也蕭紀反戈東下以地降于西魏再折入

周至隋文皇始定之封其子秀作鎮于茲營修宮
室成都記曰隋蜀王秀嘗造一殿飛鳥不止其上
此其凡耳後竟被徵唐初開國太宗以秦王建益
州臺遙領之而已貞觀十年分成都縣之東偏置
蜀縣在郭下明皇西幸駐蹕成都始改蜀縣爲華
陽而成都華陽二縣從此分矣○按今成華二縣
與蜀邸護衛尺籍繡錯不能細爲分析大較西門
者屬成都東門者屬華陽而南北二門成都有三
分之二華陽居其一焉予觀楊子雲荅劉子駿書
有少時所作成都城四隅銘則今之東西南北四

四川名勝志

卷之一

四

郭面

門頗爲近古西門者古之宣明門也南門者古之
江橋門也東門古陽城門北門古咸陽門也李膺
益州記云最東曰陽城門次西曰宣明門蜀時張
儀樓卽宣明門樓也重閣複道跨陽城門故太坤
賦云結陽城之延閣飛觀榭乎雲中矣江橋者大
江水所經也稍西爲市橋曰市橋門以漢舊州市
在此橋南橋下卽石犀所潛淵亦曰石牛門故曰
少城南面有三門焉咸陽門者秦惠王二十五年
蜀侯惲賜死封其子綰爲蜀侯初蜀人葬惲郭外
綰聞惲無罪乃使使迎喪入葬之郭內喪車至

北門忽陷入地中蜀人因名北門曰咸陽門矣○
成都縣志治赤里街秦守張若徙八少城內少城
者子城也惟西南北三壁東卽太城之西墉故蜀
都賦云亞以少城接于其西矣周地圖記云初張
儀築城城屢壞不能立忽有大龜出于江周行旋
走巫言依龜行處築之城乃得立所掘處成大池
龜乃伏于中龜每出則州境有賊刺史或病卽此
城也漢元鼎二年太城立九門少城立九門故有
十八郭之稱而郡縣多城觀矣○太城者今南門
城也李石詩序云張儀司馬錯所築太城自秦惠
四川名勝志 卷之一 五

公乙巳歲至紹興壬午一千四百七十八年雖顏
地所存如斷壁峭立亦學舍一奇觀云學舍在南
則太城可知矣○少城者西南之間今之錦江樓
也古今集記錦樓在龜城上前臨大江下瞰井邑
西眺雪嶺東望長松白敏中嘗賦詩于其上舊記
謂路巖所建非也巖在敏中之後矣范成大詩註
云少城張儀所築子城也土甚堅橫木皆朽有穿
眼土相着不散散予按王右軍法帖往在都見諸
葛顒曾見問蜀中事云成都城門屋樓觀皆是秦
時司馬錯所修令人遠想慨然具示爲廣異聞○

華陽國志張儀張若城成都周廻十二里高七八
造作下倉上皆有屋而置樓觀射蘭又營廣府舍
置鹽鐵市官并長丞皆與咸陽同制更于夷里橋
南立錦官錦官者猶合浦之有珠官也西又有車
官城其城東西南北皆有軍營壘城焉按此皆從
西南隅論耳蜀漢昭烈卽位于武擔之南當在城
之正中今蜀藩是也隋之摩訶池僞蜀之宣華苑
皆在其內昔諸葛武侯以丞相開府領益州牧故
晉益州刺史治太城其制因之亦唐節度使宋制
置使所稱建牙交戟地矣蜀太守治少城故昔之

郡治因焉西門直街鼓樓卽宋銅壺閣也陸游記
云閣南直西川門西北距府五十步乃蔣堂知益
州伐江瀆廟材所創吳棫范成大相繼而修張之
爲成都巨觀書于史又吳師孟記云西樓直府寢
之北每春月花時大帥置酒高會叅佐于其下五
日復縱民遊觀宴嬉西園以爲歲事然止得造其
廡序而已今此二說則漸始爲西門無疑相沿蜀
郡太守之故址也今乃益遼而北蓋不敢與藩邸
抗于是斥北城之地以居故武擔山昔在城外而
今在城內陸務觀有游武擔村落詩可証矣轉

之藩司也鉉轄使今之關司也運司昔在城
東有玉溪堂卽僞蜀權臣故宅今藩司在城北關
司相沿如故若提刑漕使卽今之守巡使者散在
諸路是其職居位置皆有不同如此○南門之勝
如石室石犀嚴真觀江濱池七星橋昭烈武侯祠
其最著者按華陽國志云始文翁立文學精舍講
堂作石室在城南永初後堂遇火太守陳留高朕
更修立又增造二石室李知幾云西爲文翁稍南
爲高朕比文翁石室差大皆有石像樂史寰宇記
云文翁學堂一名周公禮殿方輿勝覽云前代以
四川名勝志

卷之一

七

利

周公爲先聖至唐貞觀始從房玄齡等議更祀孔
子開元冊謚文宣王位南嚮自是號文宣王殿而
周公之祀遂廢然舊像猶存帥表說友別爲殿祀
之□按上南志以武侯征西南夷而夢見周公故
勅所在祀周公也任豫益州記云禮殿其欒櫨節
制猶古基高六尺厦屋三間通皆圖畫古人之像
及禮器瑞物堂西有二石室繫年錄云紹興六年
成都教授范仲爰奏疏言本府學殿建于東漢之
初平漢人以大隸記其修築歲月刻于東楹至今
九百四十三年蓋天下棟宇之古無過于此者按

歐陽修集古錄以周公禮殿記蔡邕所書也范鎮云其柱鍾會隸書刻其上李知幾十詠詩說會與鄧艾同入蜀在咸熙元年甲申距漢獻興平元年甲戌凡七十一年矣會蓋追文翁高君之美而書也趙明誠金石錄跋云右漢周公禮殿記者今成都府學有漢時所建舊屋柱皆正方上狹下闊此記刻在柱上靈帝初平五年立距今蓋千年矣而字畫完好可讀當時石刻在者往往磨滅此記託于廡楹乃與金石爭壽亦異矣記有云甲午年故府梓潼文君增造吏舍二百餘間按華陽國志有甲申名勝志

卷之一

八

文參字子奇梓潼人平帝用爲益州太守不從王莽公孫述光武嘉之疑此記所載卽其人也蓋光武建武十年歲次甲午云□唐盧照隣文翁講堂詩錦里淹中館岷山稷下亭空梁無燕雀古壁有丹青槐落猶疑市苔深不辨銘良哉二千石江漢表遺靈岑參詩文公不可見空使蜀人傳講席何時散高臺豈復全豐碑文字滅冥漠不知年宋京蜀事補亡詩君不見西漢文翁爲蜀守蜀學不居齊魯後諸生競欲保翁名石室鐫磨貴難朽東漢高公又幾時爲作石室還如茲至今二室堅且久

文公高公名不衰寰宇記云石室司馬相如教
于此从者數千人按秦宓引地理志文翁倡其教
相如爲之師漢家得士盛于其世矣金石錄云石
室又有左右生題名碑或云江陽寧蜀遂寧晉原
以晉志攷之江陽蜀漢置寧蜀遂寧晉原皆是宣
武平蜀後置范蜀公云西漢時諸生姓名文學祭
酒典學從事各一人司儀主事各一人左生七十
三人右生三十人可攷者僅百許人故集古錄謂
爲晉宋間碑矣王象之輿地碑目云大周總管太
學碑益州刺史齊國公宇文憲立益州州學廟堂
四川名勝志

卷之一

九

利

頌唐神龍二年史燾撰益州館學廟堂記永徽元
年賀公亮撰益州孔子廟堂碑開元中周灝撰唐
明皇追謚孔子冊文宋太平興國五年府尹辛仲
甫立石又云石室贊大曆十年維州刺史鄭藏休
撰殿中侍御史李樞篆益州文宣王廟碣會昌五
年裴擔撰趙明誠唐益州學館廟堂記跋云成都
縣令顏有意書撰人題法曹陳玉文學太子詹事
待詔弘文館陵州長史而姓名殘缺不可辨集古
錄直以爲有意撰非也碑陰載當時官僚姓名後
人題云此記賀公亮撰未知果否繫年錄云宋高

宗皇帝御書大成殿榜紹興六年賜成都府學
教授范仲爰所請也成都記云僞蜀孟昶有國其
相母昭裔刻孝經論語爾雅周易尚書周禮毛詩
禮記儀禮左傳凡十經于石其書丹則張德釗楊
鈞張紹文孫逢吉朋吉周德貞也石凡千數盡依
太和舊本歷八年乃成公穀則有宋田元均時刻
古文尚書則晁公武所補也胡元質宗愈作堂以
貯之名石經堂在府學按已上諸刻今皆不存所
存者孔門七十二子像又近時摹宋本而刻者人
物衣褶差有古意石經禮記有數段在合州賓館

中李陽冰篆書之碑陰吳門范滂見而爲予言之
○石犀寺一名石牛寺華陽國志周顯王之世蜀
王有褒漢之地因獵谷中與秦惠王遇惠王以金
二笥遺蜀王王報以珍玩之物物化爲土惠王怒
群臣賀曰天奉我矣王將得蜀土地惠王喜乃作
石牛五頭朝瀉金其後曰牛便金有養卒百人蜀
人悅之使使請石牛惠王許之乃遣五丁迎石牛
旣不便金怒遣還之乃嘲秦人曰東方牧犢兒秦
人笑之曰吾雖牧犢當得蜀也輿地志云鄧艾廟
南有石牛卽秦惠王遺蜀王者水經註西南石牛

門曰市橋吳漢入蜀自廣都令輕騎先往焚之橋
下謂之石犀淵李冰昔作石犀五頭以厭水精穿
石犀渠于南江命之曰犀牛里後轉犀牛二頭在
府中一頭在市橋一頭沈之于淵按今寺正殿階
左有石蹲處狀若犀然額曰聖壽寺古之龍淵寺
也迺晉王初宅後捨爲寺改名龍淵佛殿有水眼
如井云與海通高僧傳晉惠持到蜀止金淵精舍
是矣隋蠲蜀王秀竹園六十頃此地屬焉唐儀鳳
二年勅天下七寺建塔立石柱二度僧嘗七百人
此其一也會昌中廢至大中元年李回重建摹萬

里橋南元和聖壽寺額豎此故曰聖壽寺字則僖
宗御書也寺有尊勝呪石幢高七尺圍四尺太和
中馬季武行書 明嘉靖中掘地得之口唐岑參

石犀詩江水初蕩瀾蜀人幾爲魚向無爾石犀安
得有邑居始知李太守伯禹亦不如杜甫石犀行
君不見秦時蜀太守刻石立作三犀牛自古雖有
厭勝法天生江水向東流蜀人矜誇一千載泛溢
不近張儀樓今年灌口損戶口此事或恐爲神羞
終藉隄防出衆力高擁木石當清秋○益州記曰
鴈橋東有嚴君平卜處土臺高數丈方輿勝覽云

龜城水中出金雁因謂之雁橋也錦里耆舊傳曰
嚴君平宅卜肆之井猶存今爲嚴真觀道教靈驗
記云成都卜肆支機石卽海客携來自天河所得
織女令問嚴君平者太尉燉煌公好奇尚異命工
人鑄取支機一片欲爲器用椎琢之際忽若風簷
墜于石側如此者三公知其靈物乃已之至今所
刻之跡存焉復令穿掘其下則風雷震驚咫尺昏
暄遂不敢犯唐張九齡送姚評事入蜀云蜀嚴化
已久沈冥空所思嘗聞賣卜處猶憶下簾時驅傳
應經此懷賢儻問之歸來說往事歷歷偶心期
四川名勝志卷之一 三

參詩云君平曾賣卜卜肆蕪已久至今杖頭錢時
時地上有不知支機石還在人間否鄭世翼君平
古井詩嚴平本高尚遠蹈古人風賣卜成都市流
名大漢中舊井改人世寒泉久不通年多旣罷汲
無禽乃遂空如何屬秋氣惟見落雙桐宋呂光弼
詩卜肆垂簾地依然門徑開沈冥時已往思慕客
猶來鳥啄虛簷壞孤穿古井摧空餘舊機石歲歲
長春苔喻汝礪游嚴真觀見壁上有記古鼎丹砂
事因述以詩云古木其幽意長廊亦肅如於焉步
逍遙且復散衣裾塵慮颯已空道心頗閑舒不知

度世人去此歲幾徂云何有丹砂尚爾留庭隅支
機亦悠哉誰復訂有無我知此公意慨彼元鼎初
繼之五鳳間斯民斃刀鋸聊欲謝世網歛以道自
娛抱獨理冥會曠懷遺所拘初匪逃世人而世我
自疎含默念斯理起我憂患餘宋京補亡詩云君
不見莊遵賣卜成都市市中仙隱無人值百錢度
日復何求猶有沈冥見文字不因問着牛女星下
世安能知姓名雲中雞犬拔家去舊宅寂寞秋蕪
打棧石在年年長藥鼎空留閉黃壤前時發掘
篆籀新明水神丹光滉漾金雁橋邊臺觀存神仙

四川名勝志

卷之一

十三

郫西

遺事渺難論安得先生爲我卜俗骨庶可窺天閤
○括地志云江瀆祠在成都縣南上四里漢郊祀
志云秦并天下立江水祠于蜀至今歲祀之按廣
雅江神謂之奇相江記云帝女也卒爲江神漢舊
儀云祭四瀆用三牲圭沈有車馬糾蓋以夏之日
觴焉按陸游江瀆廟碑云成都自唐有江瀆廟其
南臨江及後節度使高駢大城成都廟與江始隔
馮浩設廳記云廟前臨清池有島嶼竹木之勝紅
蕖夏發水碧四照爲一州之觀田况成都遨樂詩
伏日宴江瀆祠避暑因遊江瀆池此會起于文潞